

SIKU RO HETELELA RA LE KU HELENI KA MUDYAXIHI RA MITIVISO YA MUTHORI RI LE KU TSHUNELENI HI KU HATLISA

PRETORIA, ti 24 Mudyaxihi 2019 – Vathori va tsundzuxiwa leswaku Mitiviso ya Ndzinganiso wa Timali wa Muthori wa Lembe (EMP501), Tisetifikheti ta Xibalo xa Vathiri [IRP5/IT3(a)s] na, laha swi faneleke, Mitiviso ya Nsulo wa Setifikheti ya Xibalo (EMP601) enkarhini wa ti1 Nyenyankulu 2018 ku fikela ti 28 Nyenyenyani 2019 swi fanele swi rhumeriwa eka SARS hi ti 31 Mudyaxihi 2019.

Swi na nkoka eka vathori ku rhumela ndzinganiso wa timali wa lembe loko siku ro hetelela ri nga si fika no nyika vathiri va vona tisetifikheti ta IRP5/IT3(a). Leti i tidokhumentekulu leti lavekaka eka muhakelaxibalo un'wana na un'wana ku fayila mitlheriso ya xibalo ya malinghena ya vanhu hi voxe enkarhini wa Nguva ya Xibalo, leyi sungulaka hi ti1 Mawuwani 2019.

Ku na tielemente eka EMP501 leti faneleke ku ringanisiwa loko rhumelo wa ndzinganiso wa timali wu fanele ku humelela. Leswi i:

- Mitiviso ya Muthori ya Nhweti na Nhweti (EMP201s) leyi kombisaka misuso ya nhweti na nhweti ya Hakelo-Hi-Ku-Ya-Hi-Muholo (PAYE), Nkwama wa Ndzindzakhomo wa Mpumaleko wa Ntirho (UIF) na Levhi ya Nhluvukiso wa Vuswikoti (SDL);
- Tihakelo leti endliweke (ku nga katsiwi nxupulo na tihakelo ta mitswalo);
- Tisetifikheti ta Xibalo xa Vathiri [IRP5/IT3(a)s] leti tumbuluxiweke; na
- Mihlayelo ya Nhlohlotelo wa xibalo wa ntholo, loko yi ri kona enkarhini wolowo.

Hi ku kombela Xitatimende xa Akhawunti endzhaku ka rhumelo eka eFiling, vathori va kota ku vona xikwelelele xin'wana na xin'wana lexi kayiveleke, mitlheriso leyi kayiveleke na tihakelo leti nga aviwangiki.

Mitiviso yi nga rhumeriwa hi ku tirhisa @syFile™ Employer kumbe eFiling. Tifomo ta xibalo xa nongonoko wa vathori leti tatiweke hi voko a ta ha amukeriwi. Vathori va hlohloteriwa ku papalata mphesamphesa wa nkarhi wo hetelela no tiyisisia nkarhi wa mindzulamiso, loko swi laveka.

Tikhopi ta mitiviso hinkwayo leyi rhumeriweke ti fanele ti hlayisiwa eka mpimohansi wa nkarhi wa malembe ya ntlhanu.

Tanihleswi SARS yi tirhisaka vuxokoxoko lebyi tivisiweke hi vathori ku ngenisa ro sungula mitlheriso ya xibalo ya malinghena ya vanhu hi voxe, vathori va tsundzuxiwa ku languta vuxokoxoko eka tisetifikheti ta vona ta IRP5/IT3(a) ku katsa vuxokoxoko lebyi rhumeriweke eka tisetifikheti ta xibalo ku suka eka mihlangano ya mavandla ya vunharhu yo fana na swikimi swa vutshunguri. Loko vuxokoxoko eka ntlheriso wa xibalo byi hoxekile, muthori u fanele ku tshunelela muthori wa vona kumbe nhlango wa vandla ra vunharhu ku lulamisa vuxokoxoko.

Mindzetelovutivi ya dyondzo ya xibalo ya SARS eka ntirhiso wa @syFile™ naswona mitiviso ya ndzinganiso wa timali ya lembe na lembe ya kumeka ku nga si fika siku ro pfala emarhavini yo hambanahambana etikweni hinkwaro. Xedulu ya kumeka eka webusayiti ya SARS eka 'Useful tools_Learn about Tax'.

Contact Centre ya SARS ku nga tihlanganisiwa na yona eka 0800 00 7277 lokohiletihelo swiletelo swa leswaku u fayila njhani swi nga kumiwa eka webusayiti ya SARS ehansi ka xiyenge Mabindzu na Vathori.